

Q. D. B. V.

THESES

DE

VARIIS MORTUOS SEPELIENDI MODIS

APUD SVIONES

ET

URNIS SEPULCRALIBUS

IN

POMERANIA SVETICA

ANNO MDCCXXVII

INVENTIS,

NUNC PRIMUM

NE MEMORIA REI TAM NOTABILIS
PRORSUS INTERCIDAT,

SED

ALIQUEALE HUIUS INVENTI
APUD POSTEROS

EXSTET

MONUMENTUM,

IN PUBLICUM EMISIT

CHRISTIANUS NETTELBLADT,

HOLMIA SVECUS,

J. U. D. ET IN ACAD. GRYPHISWALD. PROF. JUR.

REG. ORD.

R O S T O C H I I,

Typis & Impensis IO. IACOB. ADLERI, SERENISS. PRINC. & ACAD. Typogr.

SACRÆ REGIÆ MAJESTATIS
SVECIÆ
SUMMÆ & MAXIMÆ FIDEI
VIRIS,
CANCELLARIÆ REGIÆ
ET
REGNI
PRÆSIDI,
CELSISSIMO ET ILLUSTRISSIMO
COMITI AC DOMINO,

DN. ARVIDO HORN,
SENATORI PRIMARIO ET ACADEMIÆ
ABOËNSIS CANCELLARIO MAGNI-
FICENTISSIMO;

CELSISSIMIS ET ILLUSTRISSIMIS
SENATORIBUS ET CONSILIARIIS

Dn. Comiti AXELIO BANEER,
ET

**Dn. Baroni JOACHIMO von DÜ-
BEN,**

DOMINIS MEIS INDULGENTISSIMIS,

PERILLUSTRI ET GENEROSISSIMO

DOMINO,

**Dn. JOH. HENR. von KO-
CHEN,**

AULÆ REGIÆ CANCELLARIO;

PERILLUSTRIBUS ET GENEROSISSIMIS
DOMINIS,

**Dn. HERMANNO CEDER-
CREUTZ,**

Dn. OLAVO CEDERSTRÖM,
SECRETARIIS STATUS,

EVERGETIS MAXIMIS;

AC DENIQUE

*ILLUSTRIBUS, GENEROSISSIMIS,
AC NOBILISSIMIS*

DOMINIS,

Dn. HENRICO BUNGE,

Dn. JOHANNI ROSENADLER,

Dn. Comiti CAROLO GUSTAVO
TESSIN,

Dn. CAROLO von CARLSSON,

Dn. GUSTAVO BONEAUSCHIÖLD,

Dn. GUSTAVO CELSING,

Dn. JOHANNI FRIED. von SCANTZ,

REGIÆ CANCELLARIÆ
CONSILIARIIS,

MÆCENATIBUS SUMMIS.

VIRIS
AD ÆTERNITATEM NOMINIS
ET
GLORIAM GENTIS SVETICÆ
NATIS,

QUORUM SALUTE PATRIÆ NITITUR SALUS,
QUORUM CONSILIIS FLORENT ET CONSERVANTUR CIVES,
QUORUM INCOLUMITATE VOTA SUBDITORUM ET EX-
TERORUM TERMINANTUR,

QUIQUE
RELIGIONIS SINCERÆ PROPUGNATORES,
SALUTIS PUBLICÆ ET PRIVATÆ ATLANTES,
LITERARUM NUTRITORES
MERITO CLUENT;

HOC
ANTIQUITATUM POMERANICARUM
ANNO MDCCXXVII
E TERRA ERUTARUM

SPECIMEN

SUBMISSA AC DEVOTISSIMA M. AC M.
OFFERT AC CONSECRAT

CHRISTIANUS NETTELBLADT, D.

CELSISSIMI, ILLUSTRISSIMI,
PERILLUSTRES ac GENE-
ROSISSIMI DOMINI.



Gnoscite ; CELSISSIMI,
ILLUSTRISSIMI, PER-
ILLUSTRES ac GE-
NEROSISSIMI DOMI-
NI , quod levidense hoc

Antiquitatum Pomeranicarum Specimen
VOBIS inscribere ausus fui. Fateor equi-
dem TANTIS NOMINIBUS parum
convenire tantulum opusculum : & nibili-
minus tamen auso meo veniam datam iri,
spem facit fama benignissimi patrocinii, quo
omnes eos , qui bonis literis excolendis pro
b virili

*virili incumbunt, complecti soletis. Ete-
rim & ego eo animo laborem hunc suscepi,
ut incrementa literarum, & carum qui-
dem potissimum, quibus ab humanitate
nomen impositum est, promoverem. An-
tiquitates enim Pomeraniæ Sueticæ The-
sibus hisce illustrare conatus sum; quas
cum incultas prorsus jacere intellexissem,
in lucem e terra protrahere Anno
MDCCXXVII. coeperam, cum invidia
& prohibitio Dominorum fundi me incoe-
pto desistere coegerunt. Quamobrem cum
pauca illa, quæ detexi, ne memoriâ pror-
sus interciderent, hoc schediasmate de-
scribenda duxissem: VOBIS illud, DO-
MINI INDULGENTISSIMI, EUER-
GETÆ AC MÆCENATES MAXI-
MI, fretus indulgentia VESTRA, sa-
crum esse jubere non dubitavi; idque tum
ut animi mei devotissimi hoc quaecunque
exstaret monumentum, tum ut Antiquita-
tum Pomeraniæ nostræ ulteriorem investi-
gationem VESTRÆ providentiæ com-
mendandi*

mendandi locus esset. Habemus enim in his oris colles sepulcrales bene multos; quorum licet non omnes, attamen perplurimos monumentis Antiquitatis foetos esse, haud ex vano conjicimus. Neque tamen, quantum rescire potui, vel olim, vel nostra memoria, in iis eruendis quisquam sumtus operamque justam adhuc collocare voluit. Facient igitur, prob bonas Musas! cum communi reip, literariæ damno, nec minori Almæ nostræ Gryphicæ & totius Pomeraniæ dedecore, in abstrusis tumultorum penetralibus prorsus intactæ; atque adeo tantum ab harum rerum inquisitione heic est otii, ut vereri videantur nostri, ne, ea suscepta, vivi à mortuis in exilium pellantur. Non ita alibi fit; ubi, in tumultis præsertim sepulcralibus perquirendis, nec labori nec impensis parcunt, qui rerum antiquiorum notitiæ pretium statuere sciunt. Absit tamen, ut omnes Viros doctos Pomeraniæ nostræ negligentia hujus reos agam. Sunt enim, qui Antiquitatum

*patriarum cognoscendarum haud vulgari
ducantur desiderio. Ast desunt opes, qui-
bus impensas, in studium hoc, si quod a-
liud, sumtuosissimum faciendas, tolerare
queant. Quæ res ne posthac in mora sit,
VESTRÆ, CELSISSIMI, ILLU-
STRISSIMI, PER-ILLUSTRES GE-
NEROSISSIMIQUE DOMINI, beni-
gnitate effici potest, si, quod submisſe oro
quæſoque, certis viris injunxeritis, ut An-
tiquitates prædictas publicis sumtibus in
lucem protrahant, inventorumque suorum
rationes VOBIS reddant. Quod si pre-
cibus meis dederitis, operæ sumtuumque in
res hæſce impensorum me neutiquam poe-
nitebit.*

**CELSISSIMORUM, ILLUSTRISSIMORUM
PERILLUSTRIUM AC GENEROSISSIMO-
RUM NOMINUM VESTRORUM**

Devotissimus & Observantissimus
Cultor

CHRISTIANUS NETTELBLADT, D.

PRÆFATIO. AD LECTOREM.



Nno abhinc uno, cum dimidio, magna urnarum sepulchralium multitudo, apud pagum Weitenhagen, dimidio ab hac urbe milliari distantem inventa, non in Pomerania tantum nostra, sed finitimis quoque regionibus, virorum doctorum studia excitavit. Nemo illo tempore erat antiquitatis vel mediocris amator, quin urnas hæc videre, locum, unde eruebantur, spectare, & unam alteramve domum secum avehere cuperet. Nunc autem usque adeo refrixit hæc curiositas, ut urnas sepulchrales haud procul pago Weitenhagen inventas, ignoratura sit posteritas, nisi privati hominis opera memoria earum conservetur. Etenim, quod mireris, prope tam celebrem inventas Musarum sedem, nec Dissertatione Academica, aut alio quovis Schediasmate, describere aggressus est quisquam, nec ligno, nedum cupro, incisæ orbi erudito spectandas præbuit. Quamobrem ne dedecori nostræ Academiæ esset hic neglectus, theses interim hæc edere in animum iuduxi, donec aliquis haberi queat, qui sumtus *majori operi*, quod de *modis mortuos sepeliendi; populis septentrionalibus olim usu receptis; & urnis Weitenhagensibus* prelo paratum habeo, publicando suppeditet.

Quem laborem, ad professionem meam propriè non pertinetem, dum aggredior, erunt fortasse, quibus displicebit, me in res hæc aliquid operæ temporisque impendisse. Non transeundos esse Scientiarum limites; & siquidem alia, quam quæ ad juris disciplinam spectant, omnino tractare vellem, præstantiorem aliquam eligendam fuisse materiam, inculcabit. His cur operose respon-

deam, nil causæ video. Neque enim deerunt viri docti atque cordati, qui & hisce literis pretium statuere sciant; & ad limites Scientiarum non migrandos quod attinet, jam dudum in orbe erudito exolevit supersticiosa illa finium cura, quæ olim in usu fuit. Sunt hodie artes liberales quidem quasi communis eruditorum fundus, cujusquam quisque partem excoletre debeat, non legibus determinandum, sed arbitrio cujusque reliquendum est. Præterea ipsæ inter se cognatione quadam continentur; quod ut de omnibus generatim, ita inprimis de Studio Juris & Antiquitatum dici verissime potest. Sic sane crediderunt JCTi eruditionis fama clarissimi, qui Antiquitates Romanas magno studio illustrarunt. Quibus cum veteres Romulidarum ritus ingentibus voluminibus excussisse non probro, sed laudi maximæ ductum sit; quis nobis vitio vertat, quod in patriis explicandis subcessivas aliquot horas collocaverimus. Adde, quod in inclita Halensi Academia Professio Juris & Antiquitatum ab uno eodemque Viro per orbem celeberrimo exornetur. Cujus exemplum si & nos sequi allaboraverimus, tantum abest, ut quisquam hunc nostrum conatum pejorem in partem rapere debeat, ut eum potius faventibus eruditorum studiis exceptum iri, haud sine ratione nobis polliceri posse videamur.


Hæc erant, quæ pro instituto nostro iis, quibus ut illud satis placeret verebamur, probando dicenda hoc loco existimabamus. Nunc ad Te revertor, B. L. qui si humanioribus delectare literis, nec hæc nostra prorsus invitus leges. Non itaque tam metuo, ne in materia, lucubrationibus nostris, parum digna, desudasse videar, quam necubi in rebus hisce, propter vetustatem obscuris, aliquid humani passus fuerim. Quod sicubi factum est, modeste corrigas, & meliora doceas oro. Neque enim mihi ingratum erit, si mihi errores meos monstraveris; præsertim cum ab iis nemo immunis sit, isque demum laudari præ ceteris mereatur, qui quam paucissimos admiserit. Ceterum si Theses hæcæ tibi non displicuisse intellexero, dabo operam, ut majus opus, cujus supra mentionem injeci, brevi lucem adspiciat. Interea vale,
& mihi favere perge.

THE-


ERRATA.

pag. 4-	in Dedicat-	lege in in columitate.	
pag. 3	lin. 13, pro	cineret lege cineres.	
7	- 1	- Bartholin	- Bartholinus
10	- 23	- Acta	- Nova
11	- 12	- lectu	- lecto
12	- 17	- qui	- cui
14	- 5	- til	- til
15	- 7	- Sak	- Sax
17	- 10	- Trim. 233	- Trim. I.
17	- 11	- 272 seqq.	- 236, 272 seqq.
20	- 2	- lit.	- lib.
23	- 11	- vidi	- vid.
25	- 3	- circumpositus	- circumpositis
-	- 14	- Sother	- Gother.
26	- 24	- XXIV	- LXXIV
27	- 4	- XXV	- LXXV
-	- 13	- LVXXI	- LXXVII
32	- 9	- BEYERUS	- BERGERUS
33	- 20	- nullæ	- nulla.

No. 1.



No. 2.



No. 3.



No. 4.



No. 5.



No. 6.



No. 7.



No. 8.



No. 9.



No. 10.



No. 11.




No. 12.




Tab.II.

No.13.



No.14




No.15.




No.16.




N.17.



N. 18.



N.19



N.20.



N.21.



N.22.



N.23.




N.24.




N.25.







No. 26.



No. 27.



No. 28.



No. 29.




N. 30.



N. 31.




N. 32.



N. 33.



N. 34.



N. 35.







THESES
DE
DIVERSIS MORTUOS
SEPELIENDI MODIS
APUD SVIONES,
Ut &
DE
URNIS SEPULCRALIBUS
IN POMERANIA SVECICA HAUD PROCUL.
PAGO WEITENHAGEN
A. MDCCXXVII. INVENTIS.

THESIS I.

Quoniam de antiquissimo apud Sveo-
nes mortuos sepeliendi modo silent anna-
les p trii; OLAVO MAGNO (1) parum
tuto creditur, qui : *morem antiquorum fuisse,*
ait, cadavera Principum in frondosis arboribus, præsertim
quer-
A

quercinis, tanquam sacris locis, numinibus consecratis, suspendere.

- (1) In *Historia Gentium Septentrionalium* Lib. XVI. cap. 2. pag. m. 428. Conf. SCRIBONII GRAPHÆI *Epitome Historia de Gentibus Septentrionalibus* Cap. 2. Lib. 16. pag. m. 357. & MESSENI *Specula* Cap. 34. pag. 97. Contrarium defendit WORMIUS in *Momum. Dan.* Lib. 1. Cap. 6. pag. 40.

TH. II.

Cum tamen magno Scriptorum consensu Japhetidæ maturè satis plagas hæc habitare coepisse ferantur, verisimile est, illum ab eis inceptum esse modum, qui ipsis antea, dum huc tenderent, placuerat. Sed qualis hic fuerit, cum à nemine traditum sit, licet certo determinari non possit, crediderim tamen cum VERELIO (1) *a primis inde temporibus mortuorum omnium cadavera simplici funerationis officio humo contexta.*

- (1) In *Not. ad Hist. Gotherici & Rolfi*, pag. 81.

TH. III.

Temporibus, quorum notitia aliqua, fidorum Historicorum ope, ad nos pervenit, quatuor diversos frequentatos legimus mortuos sepeliendi modos; quorum singulis singulas Epochas tribuemus. (1)

- (1) Nonnulli duas, alii tres, alii denique quatuor constituunt ætates. Vid. REENHIELM in *Not. ad Oddi Monachi Histor. Reg. Olavi Tryggva filii* pag. 24. & 25.

TH. IV.

Primum locum tenet *ætas sepulcrorum*, quam lingua

gua veteri Gothica *Roisfold* (1) dicere possumus. Hac ætate mortui sine multis ritibus in terram defossi, inde humo superinjecta, locus lapidibus circumseptus fuit, ne a bestiis vel hostili aratro cadaver erueretur.

- (1) De hoc nomine vid. WORMIUS c.l. pag. 41. Confer. REENHIELM l.c. pag. 25. qui *atas* fuit, inquit, *qua levi terra aggestione lapidum solum sepimento, mortuorum reliquia circumsepta & custodita sumunt, ne è terra hostili aratro effoderentur.*

TH. V.

Altera *atas* fuit *Cremationis*, lingua veteri Gothica (1) *Bruna-Old*, qua initio paucioribus, postea pluribus ritibus mortui cremati sunt, cineret autem terra reconditi.

- (1) In descriptione hujus ætatis conveniunt Scriptores domesticæ. Vid. VERELIUS in *Not. ad Hist. Goth. & Rolf.* pag. 81. RHYZELIUS in *Diss. de Sepultura Sueogoth.* P. I. pag. 15. & WORMIUS in *Monum. Dan. Lib. I. Cap. VII.* pag. 41. De Synonymis vid. WORMIUS c.l. pag. 45.

TH. VI.

Ætati *Cremationis* jungimus tertiam, quæ *Hauga-Old*, id est, *atas tumulorum*, majoribus nostris dicta; qua, ut verbis utar WORMII (1), *cadavera integra & non cremata, cum suis ornamentis, in circulo, ex grandioribus confecto saxis, locabant, aliisque circumquaque tegebant, arenam & glebam terre exaggerando, usque dum in justam monticuli exsurgeret altitudinem, qui cespitibus & aliis saxis demum exterius exornabatur.*

- (1) In *Monum. Dan. Lib. I. Cap. 7. f. 43.*

TH. VII.

Postquam Christiana sacra amplexi sunt majores nostri, Christianis quoque ritibus mortuos sepelire coeperunt. Hinc enata *ætas Christianismi*; quæ ceteris sublatiis sola inde obtinuit (1).

- (1) Ritus funebres hujus ætatis optime descripsit Max. Rev. Archi-Præpositus RHYZELIUS in P. II. Diss. Ups. de *Sepultura Sueogothor*.

TH. VIII.

Initium ætatis sepulcrorum certo quidem determinari nequit. Interim tamen nihil obstare videtur, quo minus eam cum primis Septentrionis nostri habitatoribus hæc terras ingressam statuamus. (1)

- (1) Vid. Tract. MSC. Historische Nachricht von denen Gebräuchen derer Nordischen Völker ihre Verstorbene zu denen ältesten Zeiten zu verbrennen oder zu begraben, Sect. I. §. 5. ubi hæc de re fusius egi.

TH. IX.

Ad ætatem Cremationis quod attinet, mihi eorum arridet sententia, qui initium ejus ad Othinum primum (1) referunt.

- (1) Vid. STURLESON. in *Hist. Inglingor*. Cap. VIII. pag. m. 9. & 10. Quocum conf. SCHÆFFERUS in *Upsalia Antiqua* Cap. 18. p. 356. REENHIELM in *Not. ad Hist. Olavi Tryggvæ filii* pag. 25. & 26. SALANUS in *Not. ad Egiki & Asmundi Hist.* p. 139. & *Landius in Not. ad LL. WGoth.* p. 143.

TH. X.

Ætatem tumulorum cum Freyi sepultura coe-
pisse,

pisse, mihi extra controversiam positum videtur. Eum enim non longe post Othini tempora tumulatum testis est STURLESONIUS (1).

(1) In *Hist. Inglingorum* pag. 12. edit. Peringsk.

TH. XI.

Sepeliendi ratio Christiana cum Christianismo in Septentrionem illato coepit. Quod quando factum sit, inter auctores quidem non convenit. Mihi tamen seculo IX. factum videtur.

(1) Retentus tamen fuit a multis, qui superstitioni Ethnicæ adhærebant, mos vetus; idque per duo secula, & amplius.

TH. XII.

Generatim de hisce periodis, maxime vero secunda & tertia, notandum, cum unius initiis, non statim desisse alteram, sed plures sæpe simul obtinuisse. Postquam autem Christianismo plane confirmato, penitus extirpata fuit superstitio pristina, Christiani ritus soli in usu fuere.

(1) Hoc exemplis in *Tract. sup. Thef. VIII.* cit. fufius illustratum est.

TH. XIII.

Ritus veterum Sveonum sepulcrales, & eorum rationes, præterquam ad ætatem sepulcrorum quod attinet, satis accurate a rerum nostrarum veterum Scriptoris annotati sunt. (1)

(1) Vid. STURLES. in *Hist. Inglingor.* l. c. REENHIELM l. c. p. 24. aliique.

TH. XIV.

Plerisque, qui in ætate Cremationis ac Tumulorum recepti fuere, doctrina Othini de Walhalla & reliqua Veterum Septentrionis incolarum Theologia occasionem dedit.

- (1) Fufius hæc omnia in Tr. meo sup. cit. exposui Sect. I. §. 18. seqq.

TH. XV.

Sic quod in ætate Cremationis mortuos cremare maluerint, quam humare, ideo factum, quod ignem optimum (1) animæ, ad beatorum sedes tendentis, vehiculum existimarunt,

- (1) Vid. *Edda Mytholog.* 4. & 40. Conf. RHODIGINUS *Leß. antiqu.* Lib. 17. Cap. 21. pag. m. 654. KOHLIUS in *Spec. Theol. Gentil. Cimbr.* Spec. 1. Cap. 2. §. 13. pag. 25. & RHYZELIUS in cit. *Diff.* Pag. 1. Cap. 3. §. 12. pag. 32. idem de vehiculo igneo jam sua ætate docuit MARESCALLUS THORUS in *Comment. ad Annal. Herul. Lit. S.* ap. WORMIUM in *Monum.* cit. pag. 45.

TH. XVI.

Uxores in rogum, quo viri earum defuncti cremabantur, sponte sua sese injicere, olim haud insolens erat. Ea enim sola via mulieribus ad Walhallæ beatas sedes patere credebatur, si mortuis maritis, ipsæ manu sibi illata, sese præberent comites (1).

- (1) Conf. BARTHOLINUS in *Antiqu. Dan.* pag. 506. & passim. REENHIELM c. 1. pag. 17. Addi possunt duæ aliæ rationes; quarum una est, quod amorem conjugalem & post mortem in Walhalla continuatum

tum ist credebant (Vid. *Edda Mytholog.* 43. & BARTHOLINUS c. 1. pag. 509.) altera, quod ignominiosa erat uxor, quæ maritum sequi detestabatur. Vid. SAXO GRAMMAT. Lib. IV.

TH. XVII.

Servis nihil erat olim exoptatius, quam ut vel cum Dominis, vitæ pertæsis, de præaltis rupibus sese dejicere, vel cum iis una cremari ipsis liceret. Hoc enim demum pacto sese a Walhallæ Domino acceptos iri persuasum habebant (1).

- (1) Vid. *Hist. Gotth.* & *Rolfi* Cap. 2. pag. 11. *Verelius* in *Not.* pag. 27. *Schefferus* in *Tr. de Orbibus aureis in Scania, nuper repertis* pag. 15. BARTHOLINUS in *Antiqu. Dan.* pag. 291. & ARNGRIMUS JONAS in *Specim. Island Occid. Hist.* Sect. 31. p. 33. Idem de servis Slavorum & Wandalorum affirmat HACHENB in *Germ. Med. Diss.* 12. §. 5.

TH. XVIII.

Heroi in acie cæso, cum cremandus esset, adficiantur olim hostes, quos prostraverat. Sic enim non tantum Domino Walhallæ gratior adventurus putabatur, tot fortitudinis suæ testibus comitatus, sed honoratiorem quoque ibi vitam acturus credebatur, victis cæsisque hostibus servorum loco postea usus.

- (1) Vid. *Hist. Inglingor.* Cap. 27. & *Nordländische Runungars Chronica* pag. 6.

TH. XIX.

Equos, canes, & aves venaticas non alia de causa una cum Dominis, vita functis, rogo injicere moris:

ris erat, quam quod eorum partim in bellicis exercitiis, partim in delectationibus Heroum Walhallicorum, venatui indulgentium, magnum usum futurum arbitrabantur.

- (1) Vid. *Edda Mytholog.* 44. Conf. *Gangu Hrolfs - Saga* Cap. 3. & SALANUS in *Not. ad Egilli & Asmundi Hist.* pag. 137. & pag. 34. SAXO GRAMM. Lib. V. BARTHO. LINUS l. c. pag. 424. SCHEFFERUS in *Upsal. Antiqu.* Cap. VII. pag. 71.

TH. XX.

Cumque non dubitarent, quemlibet in Wallhalla idem vitæ genus continuaturum, quod antea excrucierat; artificibus instrumenta suæ artis in rogam adjecerunt, vel tumulis una cum cadavere intulerunt.

- (1) Vid. BARTHOLINUS in *Antiqu. Dan.* Lib. 2. Cap. 13. pag. 569.

TH. XXI.

Nec dissimilis erat auri, argenti aliorumque pretiosorum ratio, quæ ideo cum defunctis vel cremabantur, vel tumulis inferebantur, ut in Walhalla eo lautiorẽ splendidiorẽque vitam, opibus subnixi, agere possent. De qua re exstat lex peculiaris ab Othino lata (1), quam a politicis rationibus profectam tum demum mihi persvaderi patiar, cum demonstratum fuerit, Tacitum de omnibus illis egregiis regulis politicis cogitasse, quas Commentatores sequiorum temporum ex verbis ejus exprimere voluerunt.

- (1) Teste *Historia Inglingorum* Cap. 6. pag. m. 9. Conf. *Hist. Olavi S.* apud STURLESON. pag. 621. RUDBECK

BECK in *Atlantica* Tom. 1. Cap. 21. §. 2. Tom. 3.
pag. 334. KOHLIUS in *Specim.* cit. pag. 39. & al. pl.

TH. XXII.

Hinc facile intelligitur, vestimenta mortuis denegare grande olim habitum fuisse piaculum. Etenim qui sine vestibus ad Walhallam accederet, nuditati perpetuæ, & omnium irrisioni expositum iri, nemo dubitabat (1).

- (1) Fiolmodus in *Hist. Goth. & Rolfi* Cap. 2. *Non est bonum, ait, abire nudum ad Othinum.* Conf. SCHEFFERUS de *tribus Orbibus aureis* pag. 13. & 14.

TH. XXIII.

Postremo, quoniam gaudia Walhallica magnam partem exercitiis bellicis absolutum iri rebantur majores nostri, arma defunctorum præcipua cum cadaveribus tumulare aut cremare, olim usitatissimum fuit. Quod ne intermitteretur, potissima bellicosorum virorum morientium cura fuit (1).

- (1) Vid. VERELIUS in *Not. ad Histor. Herwora* pag. 87. STURLESON in *Chron. Norweg.* P.I. pag. 163. SCHEFF. de *III. orb. aur.* pag. 17. & BARTHOLINUS in *Antiqu. Dan.* pag. 499. seqq.

TH. XXIV.

Hoc autem præ aliis peculiare habere censebantur bella Walhallica: quod qui in iis occumberent, denuo sponte resurgerent, & ad pocula consveta redirent (1).

- (1) Vid. *Edda Mythologia* XXXV., ubi sequentia legimus:

B

Omnes

Omnes Mon - Heroës
In area Othini
Mutuo quotidie sternuntur.
Resurgunt sponte,
Ac reversi à cæde
Fragilem confidentes colunt amicitiam.

TH. XXV.

Arma, quæ hodie è tumulis sepulcralibus erui solent, verane sint, an ad horum similitudinem efficta, indistincte nec affirmari, nec negari potest (1).

- (1) Consulantur in hac quæstione literæ b. SPERLINGII & RHODII, quorum hic illam, ille hanc tuetur sententiam.

TH. XXVI.

Nonnunquam in tumulis sepulcralibus cerevisia (1) inventa est. Unde tamen non concludendum, hominem ebriosum illic sepultum : sed in more regionis illius positum fuisse, mortuis cibos potumque, tanquam viaticum, subministrare. In Livonia olim satis notæ (2) fuerunt epulæ feræles, quæ mortuis quotannis solenniter instaurabantur. Sed quarum in Svecia nulla adhuc inveniri potuerunt vestigia.

- (1) Vid. *erleutertes Preussen* Tom. III. p. 579. *Acta Liter. Maris Baltici* Anni MDCCXCIX pag. 230. & WEISIUS in *Antiquit. cit.* pag. 495.
(2) Vid. DIONYS. FABRICIUS in *Compendiosa Livon. Hist. Serie MSC.* P. I. Cap. 2. & M. HERM. BECKER in *Diff. Witteb. Livonia in nonnullis ritib. antiqu. proposita* Cap. 3. §. 3. & 4.

TH.

TH. XXVII.

Ceterum, quibus cibus datus erat, eis etiam cultros, & alia instrumenta, quibus in eo capiendū u-
terentur, dari conveniens erat. Quod & ab aliis po-
pulis, & à nostris majoribus (1) factum invenimus.

- (1) Vid. *erleutertes Preussen* Tom. III. pag. 419. & 550.
RHODII *Antiquit. Cabinet* pag. 1. & 2. num. 4. 5. 6. 7.
8. 11. 12. 13. 20. &c. & RUDBECK in *Atlantica*, Tom.
I. pag. 183.

TH. XXVIII.

In ætate Hauga-Old notandus etiam ritus, defun-
ctos aliquot ante sepulturam diebus in (1) lectu osten-
tationis publice spectandos præbendi. Quod tempus
interea epulis atque compotationibus absumtum (2).

- (1) Conf. RHODIUS in *Antiquit. Remarqu.* pag. 27.
(2) Vid. BARTHOLINUS in *Antiquit. Dan.* Libr. 2. Cap.
IX. p. 495. qui ad Otheri cujusdam ad Elfredum re-
lationem provocat.

TH. XXIX.

Utrum in feretro, (1) an in sella collocatos de-
functos efferre consueverint majores nostri, non satis
liquet.

- (1) Vid. STURLESON. in *Chron. Norweg.* P. I. pag. 163.
& BARTHOLINUS c. I. pag. 502.

TH. XXX.

Augendæ funebris pompæ causâ, armillas, tor-
ques, aliaque ornamenta funeribus olim prælata fuisse,
BARTHOLINO (1) haud difficulter credimus.

- (1) In Tr. de *Causis contenta à Danis Mortis* Lib. 2. Cap. 10. pag. 502.

TH. XXXI.

Mortuorum cadavera in certis locis, huic usui destinatis, à majoribus nostris cremata fuisse, non inveni. In ætate vero Hauga-Old certis familiis certos tumulos sepulcrales fuisse proprios constat, quos ideo lingua patria ~~dicte~~ *Bæstar* dixerunt (1)

- (1) Meminit eorum in *Nor. ad Hist. Gotber. & Rolfs* pag. 32. VERELIUS, & PERINSK. in *Momum.* pag. P. I. Upl. 215. seqq.

TH. XXXII.

De iis autem, qui, dum viverent, navigatione & expeditionibus maritimis delectati fuerant; notandum, ipsos juxta mare & in navibus suis cremari aut tumulari præoptasse. Scilicet, ut ab elemento eo post mortem tanto propius abessent, qui vivi maxime affveverant (1)

- (1) Vid. *Edda Mythol.* 43. Conf. ARVID. BOROENIUS in *Diff. de Scandianorum rebus maritimis* Cap. 3. pag. 77. RUDBECK in *Atlant.* Tom. I. Cap. 7. pag. 183. *Haquini Adalstenii alumni Hist. ap. STURLESON. in Hist. Regum. Norweg.* P. I. Cap. 27. pag. 29. & BARTHOLINUS in *Antiqu. Dan.* pag. 190.

TH. XXXIII.

Rogus non iisdem semper lignis exstuebatur. Navibus autem propriis (1) cremari imprimis gloriosum censebant.

- (1) Exem-

- (1) Exemplum habemus illustre in sepultura Baldri apud Eddam, *Mythologia* 48. & Haraldi, Regis Daniæ. a Ringo, Sveciæ Rege. in campis Browallensibus superati, apud SAXONEM Lib. 8. pag. 147.

TH. XXXIV.

Rogalis flamma quo altius ascenderet, eo mortuus Othino credebatur acceptior. Hinc factum, ut propinqui res, ei ciendæ aptas, magna copia in ignem ingererent (1).

- (1) Vid. Hist. Ynglingorum Cap. X. & Rhyzelii Diss. cit. Cap. IV. §. 12. & Cap. 3. §. 13.

Th. XXXV.

Cremationem excepit Ossilegium, quo ossa & cineres defuncti, qui nigredine sua ab cineribus lignorum internosci poterant (1), urna conditi & sic terra obruti fuerunt.

- (1) Vid. RHODIUS in seinen Antiquit. Remarques pag. 31, & HECHTII *Bustum Lusatia in Miscellan. Lipsiens.* Tom. VII. pag. 229. seqq.

TH. XXXVI.

Ustrinæ nullum adhuc in Svecia, quod sciam; inventum est vestigium. Utrum in Holsatia (1) aliqua olim fuerit, judicent alii.

- (1) Hac de controversia vid. lit. b. SPERLINGII & RHODII in *Antiquitaten Remarques* pag. 435

TH. XXXVII.

Locum, quo cineres condebantur, majores nostri jam cippis, jam tumulis, exornabant (1)

B 3

(1) Vid,

- (1) Vid. hac de re lex Othini ap. STURLESON. in *Hist. Ynglingor.* Cap. 8. pag. 9.

TH. XXXVIII.

His peractis sepultum Othino solenni formula :
Far til. Odens (1) commendabant, & sic ad epulas funebres (2) festinabant.

- (1) Vid. KOHLII *Specim. I. Theol. Gentil. Cimb.* pag. 27. & VERELII *Diff. de Fanin.* Hodie in malam partem accipitur; olim optimum habebat sensum.
(2) Vid. *Hist. Ynglingorum* pag. 8. & 9. edit. Warmianz. Conf. SCHEFFERI *Upsalia Antiqua* Cap. 18. pag. 363.

TH. XXXIX.

Illic in memoriam defuncti non tantum scyphus, *Bragebagare* (1) dictus, epotabatur; verum etiam carminibus (2) laudes defuncti decantabantur;

- (1) De hoc multis egit RHEENHIELM in *Not. cit.* pag. Conf. BIRCHERODII *Palæstra Antiquaria Dissquis.* Curios. pag. 119. *Bragebagare* sunt Heroibus consecrata pocula.
(2) Conf. RHYZELIUS in *szp. alleg. Disp.* Cap. 8. pag. 104. Hujus generis est Carmen *Hakonar maal* ap. STURLESONIUM in *Hist. Reg. Norweg.* P. I. pag. 163. & seqq.

TH. XL.

Hæc eadem & in *etate tumulorum* fiebant, quam ab *etate cremationis*; solis ritibus tumulationi propriis diversam fuisse, jure nobis statuere posse videtur.

Conf. Theſ. V. & VI.

TH

TH. XLI.

In utraque ætate monumenta mortuis statuebantur duorum generum: Cippi nimirum Runicì & tumuli sepulcrales. Illud Othini mandato, hoc exemplo Freyi (1) introductum fuit.

- (1) Teste STURLESONIO in *Hist. Ingingorum* Cap. 8. pag. 10. conf. STEPHANIUS in *Not. ad Sak. Grammat.* pag. 91.

TH. XLII.

Monumenta utriusque generis non tantum illis erigebantur, qui in loco, quo cippus erectus, tumulusve factus, verum etiam iis, qui peregre mortui sepultique erant; adeoque & iis procul dubio, quorum corpora ne ad sepulturam quidem exstabant. Hujusmodi cippi tumulique, ut a ceteris distinguantur, *honorarii* dici solent (1).

- (1) Vid. RHODIUS in *Antiquit. Cabinet* pag. 8. & 11. & *Antiqu. Remarqu.* pag. 255. Exempla ex Historia patria adduxi in Tr. meo sub. cit. MSC. conf. PERINGSK, *Monumenta Uplandica, per Thiundiam* pag. 220. Quin & vivis talia erecta fuisse monumenta, docent VERELIUS in *Runograph.* pag. 53. ARRHENIUS in *Disp. de Fierdhundria* pag. 108. & BARTHOLINUS in *Antiqu. Dan.* pag. 146. & 514. in fin.

TH. XLIII.

Non igitur mirum, quod in tumulis nonnullis nulla prorsus inveniantur cadaveris illati vestigia. Arma quidem deprehendas nonnunquam. Sed quæ pro veris hoc casu haberi non possunt.

- (1) Vid.

- (1) Vid. DYCKMAN in *Tr. de Lapidibus Runicis* pag. 44.
46. 52. 59. 66. 70. 74. 78. 109. 136. 135. & 141.

TH. XLIV.

Cippos tumulosque erigendos faciendosque curabat uxor viro, & vice versa, vir uxori, Patri filius, filio Pater, amicus amico, Duci exercitus. Quid ? quod amatori suo (1) amasia hoc officii genus præstitisse legitur.

- (1) Ap. WORMIUM in *Monum. Dan.* Lib. 17. pag. 485.

TH. XLV.

Nonnunquam tumulis confectis superimpositi fuerunt (1) cippi; geminato monumenti honore.

- (1) Plurima hujus generis monumenta in Svecia & Dania occurrunt.

TH. XLVI.

Inter cippos autem illi maxime sunt notabiles, qui inscriptionibus vel figuris insculptis (1) sunt insigniti. quosque lapides Runicos vulgo dicunt; præsertim cum ad illustrandas antiquitates nostras plurimum conferant, & alibi (2) hujusmodi monumenta non existant.

- (1) Monumenta nullis literis figurisque notata non admodum multa per Septentrionem inveniuntur. Vid. PERINGSKJÖLDII *Monum. Ullerakerens.* pag. 322.
(2) Nisi quod in Tartaria simile quid observatum, testatur Generos. Dnus von STRAHLENBERG & Cel. Dnus HENR. BRENNER; ille in dem Vorbericht seines Werkes von der grossen Tartarey; hic in *Epistola ad Reverendiss. Dn. Episcopum Ericum Bernacium*

zelum pag. 105., quæ ad calcem *Epitomes Comment.*
Mosis Armeni de Origine & Regibus Armenorum habetur.

TH. XLVII.

Ætatem lapidum Runicorum quod attinet, eos nonnulli (1) post tempora demum inveci Christianismi positos putant. Quod tamen neutiquam concedi debet; licet permultos post Christiana sacra Septentrioni illata erectos lubenter fateamur.

- (1) Hac de re in Tr. meo MSC. sup. cit. pluribus egi. Conf. *Alta lit. Suecia* de A. 1727. Trim. 233. pag. 272. seqq. & 313. seqq. & SPERLINGIUS in *litteris ad Rhodium* datis, quæ in citt. *Antiquit. Remarqu.* legi possunt.

TH. XLVIII.

Antiquior sane est lapidum Runicorum in Septentrione usus, ideoque optandum, ut ad quam quisque ætatem referendus sit, rerum harum periti (1) iusto opere docere vellent.

- (1) Operam hanc. orbi erudito gratissimam, in *Actis Literariis Suecia* per particulas præstandam bonis a-vibus suscepit Summe Rev. Dn. D. OLAVUS CELSIUS, eruditæ Sveciæ lumen clarissimum.

TH. XLIX.

Ex ductibus literarum & picturæ elegantia de ætate lapidis iudicium fieri posse, probabilis est b. VERELII (1) sententia: dummodo simul aliarum *requisitorum* (quorsum refero nomen sculptoris, sepulti, & occasionem auctoremque positi lapidis) consideratio non negligatur.

- (1) In *Runographia Scandica* Cap. V. pag. 20.

C

TH. L.

TH. L.

Figuræ in lapidibus Runicis occurrunt hominum, equorum, luporum, ovium, aliorumque animalium, pauciorum pluriumve, modo hoc, modo alio (1) ordine positorum; prout vel requisivit Hieroglyphica rerum gestarum, ad defunctum pertinentium, repræsentatio, majoribus nostris usitata, vel sculptoris, industriam suam ostensuri voluit arbitrium.

- (1) Exempla habemus luculenta ap. PERINGSKI8LDIUM in *Monum. Ullerakerens.* Sect. II. Cap. 44. & 45. pag. 333. & 339.

TH. LI.

Figura crucis in lapidibus Runicis non semper crucem Christi designat, nec adeo lapides ea notatos post Christianismum Septentrioni illatum positos esse semper probat. Nonnunquam enim pro malleo Thori (1) commode haberi potest.

- (1) Videfis SALANUM in *Not. ad Egilli & Asmundi Histor.* pag. 150. Conf. *Acta Literar. Svecia* de anno 1727. Trimestr. I. pag. 241. seqq. Canopi, Egyptiorum Numinis, effigies apud. TROGILL. ARNKIEL in *seinem Cimbrischen Heydenthum* Cap. 6. §. 2. pag. 52. Complures habet crucis figuras, iis non absimiles, quæ in cippis nostris cernuntur.

TH. LII.

Inscriptiones lapidum Runicorum in Svecia præterea que in exuviis veluti serpentum, multifariam contorta-

tortarum; in Dania autem & Norvegia inter duas lineas rectas, plerumque exaratae sunt.

- (1) Vid. delineationes lapidum Runicorum apud BONGIUM, VERELIUM, PERINGSKIÖLDIUM, WORMIUM, aliosque, occurrentes. BONGIUS in *Hist. Eccles. P. I. L. VII. Cap. IX.* pag. 372. nullas in Suecia inveniri putat inscriptiones hujus generis, exuviis serpentum non insculptas. Sed eum satis refellit PERINGSK. *Monum. Upland per Thiundiam* pag. 275. & *Monum. Ullerakerens.* pag. 322. & 344. Conf. WAL-
LINI *Diff. de Oelandia* pag. 63.

TH. LIII.

Sunt autem inscriptiones dictae modo breviores, modo longiores; & nonnunquam quidem res continent (1) valde memorabiles; plerumque tamen nomina tantum ejus, qui lapidem poni curavit, cui positus est, & qui literas sculpsit. Adduntur interdum cognatorum uxorisque nomina, genus locusque mortis, & alia.

- (1) Vid. Dykman in *Tr. de Lapidibus Runicis* pag. 31, 49, 55, 66, 92, 103, 162, 149, 167, 180, & passim. PERINGSKIÖLD in *Annot. ad Vit. Theodorici* pag. 494. & alii.

TH. LIV.

Lapides Runci, uti magnitudine & figura, ita & positu variant. Alii enim erecti stant, alii humi (1) jacent. Sed hic positus rarior est, & tum demum adhibitus, cum inscriptio totum lapidem occupabat.

- (1) Exempla passim apud VERELIUM, WORMIUM, PERINGSKIÖLDIUM, aliosque occurrunt. Conf. hujus

hujus *Attartal* pag. 1. 2. 3. & 14. WORMII Monum.
Dan. in Addit. pag. 21. & Monum. Lit. 3. p. 176.

TH. LV.

Nonnunquam, nullis erectis lapidibus, inscriptiones rupibus in sculptæ fuerunt. Cujus moris unum alterumve exemplum superest.

- (1) Conf. Dykman sup. cit. loc. pag. 142. & Disp. Ups. HESSELGRENII de *Dalia* pag. 62. ubi non runas quidem, sed figuras, monti incisas commemorat.

TH. LVI.

Usum lapidum Runicorum in Historia (1) Civili & Ecclesiastica, Genealogia, Heraldica & Studio Critico, & alibi in Tract. meo sæpius cit. ostendi.

- (1) Quantum in vindicandis majorum nostrorum præfisc expeditionibus PERINGSKIÖLDIO præstiterint usum, ex annotat. ad *Vit. Theoder.* passim, liquet. Conf. *Ass. Lit. Sv.* de A. 1727. Trim. I. pag. 217.

TH. LVII.

Lingua vernacula præfisc Monumenta hujusmodi *Bautasteinar* dicuntur, quos cum lapidibus victorialibus, *Segerstenar* dictis, male confudit (1) KEYSLERUS. De hisce, lapidibus victorialibus puta, credidit superstitio pristina, eos possessori suo, quoties eos secum haberet, certam de hostibus daturos victoriam: quod ex relatione veteri de Thetlefo & Sigurdo (2) aliisque constat.

- (1) In *Selectis Antiquit. Septentr.* pag. 100.

(2) In

- (2) In *Hist. Wilkini* pag 117. & *Thorflani Wikingii Historia* Cap. 16. pag 87.

TH. LVIII.

Descriptionem lapidum Runicorum aggressi sunt inter alios HADORPHIUS & DYKMANNUS, ex quibus hujus opus lingua vernacula nuper editum est, illius in MSC. adhuc latet. Plenissimam autem & exactissimam ab Cl. Dno HELIN, (1) Secretario Archivi Antiquitatum Stockholmenfis, exspectamus.

- (1) Vid. S. R. OLAV. CELSI *Runa Medelpadica ab importuna crisi vindicata* pag. 36. in fin.

TH. LIX.

Sed missis lapidibus Runicis, ad tumulos sepulcrales considerandos transitum facimus. Qui quidem ad speciem externam quod attinet, valde dissimiles sunt. Aliqui enim arboribus, floribus, lapidibusve decenti ordine circumpositis exornati (1) sunt, alii omnibus ornamentis carent.

- (1) Vid. Monum. *Niordi & Biorni Jernsida* apud PERINGSKIOELDIUM in *Genealogia Regum Suecia* pag. 8. & 33. Monumentum Ottari apud eundem c. l. pag. 12. Conf. WORMIUS in *Monum. Dan. Lib. I.* pag. 8. 35. & 38. in *Additam.* pag. 8. & 13.

TH. LX.

In vertice quorundam tumulorum lapides magni positi speciem altarium præbent, sacrificiis anniversariis (1) pro mortuis faciendis destinatorum.

C3

Cujus

Cujusmodi tumuli in Pomerania *Hünengräber*, sed magis ex usu vulgi, quam ex rei veritate vocantur.

- (1) Vid. WORMIUS in *Monum. cit.* pag. 8. Conf. RHODII *Antiquit. Remarqu.* pag. 390. & KOHLII *Specim. cit.* pag. 34.

TH. LXI.

Ut specie, formaque, ita magnitudine quoque differunt tumuli sepulcrales, Circa quam notandum, non semper valere regulam (1) a viris doctis traditam, sub magnis viros magnæ dignationis, sub parvis contra tenuis fortis homines sitos esse.

- (1) Quam tuerentur SCHEFFERUS in *Tract. de Tribus Orbibus Auris* pag. 16. MESSENIUS in *Scopenburg. protopolis* C. 3. pag. 20. Conf. *erldutertes Preussen* Tom. III. pag. 400. & Tom. 4. pag. 81. & 82. HECHTIUS c. I. p. 158. & Mag. WEISSIUS in *Antiquitat. Mifnico-Saxon.* Lib. 2. Cap. 27. pag. 492.

TH. LXII.

Tum demum Regulum, vel alium virum in dignitate constitutum sub tumulo majori sepultum tuto concludi potest, cum saxa lapidesque ingentes offenduntur, qui sine multorum (1) hominum opera illuc advehi non potuerunt, & nullæ superstructiones (2) comparent. Quæ ubi adsunt, conjecturam, a magno tumulo de magnitudine dignitateque tumulati captam, fallacem reddunt.

- (1) Vid. WORM. *Monum. Dan.* pag. 39. ubi ex Saxon. Lib. X. refert, Haraldum Blaataand, Daniæ Regem saxum maximæ molis junctis hominum boumque copiis, quo

quo matris tumultum insigniret, abstrahi jussisse,
Conf. WEISSIUS in *Antiquitat. Misnico-Saxon.* c. 1.
pag. 492. & *Acta literar. Sueciae* de anno 1725. Trim.
2. pag. 34. seqq.

- (2) Vid. RHODII *Antiqu. Remarqu.* pag. 390. Conf. infra
Th. 69.

TH. LXIII.

Tumuli alii rotundi sunt, alii oblongi, alii angulati, & quidem modo regularis modo, irregularis figuræ, sub rotundis semper plures (1) sepultos esse, non ubique verum esse, experientia constat.

- (1) Vidi RHODII *Antiquit. Remarqu.* pag. 389. & 390.
Conf. Mag. CHRIST. FRIED. REUSCHENS *Nachricht von Preussischen Grab-Hügeln und Aschen-Eöpfen in dem erleuterten Preussen* Tom. 3. pag. 545.
& 402.

TH. LXIV.

Licet tumulos nonnullos jam ab aliis perquisitos esse vestigia prodant residua: tamen hæc hominem antiquitatis curiosum ab iterata perquisitione, quæ sæpenumero haud frustra suscepta (1) fuit, abstergere non debent.

- (1) Exempli loco esse potest tumulus Weitenhagensis, qui licet intactus non esset, tamen non incassum nuper perquisitus est.

TH. LXV.

In tumulis aperiendis non eadem omnibus probatur ratio. Sunt, qui tumulos majores ab oriente occidentem versus recta linea perfodiendos censent, minores

nones autem totos subvertendos. Aliis alia (1) methodus placet.

- (1) Conf. Dn. Mag. REUSCH in *demerleuterten Preussen* Tom. 4. pag. 139.

TH. LXVI.

Meo iudicio consuetudo mortuos tumulandi, in quaque regione recepta, attendi debet. Quæ partim ex libris, partim experimentis addiscenda est.

TH. LXVII.

In Svecia & Norwegia defuncti in tumulis à septentrione (1) meridiem versus, in Dania ab Oriente ad Occidentem collocati sunt. Quod in tumulis harum regionum aperiendis observari potest, licet fortasse exceptionibus nonnunquam obnoxia sit hæc regula.

- (1) Rationem hanc subministrat RUDBECKIUS in *Asiam*. Tom. 2. C. 5. pag. 398 quod, nimirum, in tumulo faciendo solis cursum secuti sint maiores nostri.

TH. LXVIII.

Positum cadaverum tumulorum varium deprehendere licet. Alia enim jacent, alia erecta stant, alia sedent. (1)

- (1) Vid. Exempla in *Rolfi Pedestris vita* Cap. 3. BARTHOL. Tr. de *Causis contentæ a Danis mortis* pag. 572. & ap. RHENHIELM. l. sup. c. pag. 27.

TH. LXIX.

Structura tumulorum interna itidem multum variat.

variat. Alii enim arena congesta maximam partem constant, loco tantum, ubi urna posita est, lapidibus circumpositus utcunque munito. Alii laquearibus lapideis & pluribus concamerationibus sunt instructi. Alii denique pluribus constant contignationibus (1), quarum unaquæque suas urnas continet.

- (1) *Hervæ Historia* Cap. VI. pag. 86. concamerationum plurium unius tumuli mentionem facit, & de tumulo *Hrolfi Krakii* referunt Scriptores, in eo pro singulis ministris, una cum Rege dicto tumultatis, singula facta fuisse conclavia. Nec de contignationibus silent, cujusmodi quinque in uno tumulo, unam super alia sese invenisse scribit VERELIUS, in *Nor. ad Hist. Sotber & Rolf.* pag. 82.

TH. LXX.

Hinc sequitur, in tumulis sepulcralibus perquirendis non prius cessandum, quam ad terram incul-tam, vulgo *die wilde Erde*, fuerit ventum; ne, si prius cessatum fuerit, substructiones aliquæ intactæ & inexploratæ linquantur (1).

- (1) Id quod & tum. observandum, cum nulla laquearia lapidea adsunt.

TH. XXI.

Plures cautelas, in aperiendis perquirendisque tumulis sepulcralibus observandas, subministrat (1) RHODIUS; qui iis quoque respondet, qui hoc innoxium sciendi desiderium damnant, & homines Antiquitatis curiosos *busuvarios latrones* compellare non verentur.

- (1) In *Antiquit. Remarqu.* pag. 352. & 243. Conf. HECH-

D

TH

TH *bustum Lusatia* in *Miscell. Lips.* Tom. 7. pag. 243. &
M. REUSCH in *erläuterten Preussen* Tom. IV. pag.
137.

TH. LXXII.

Ufus sane hujusmodi inquisitionis, quem in pluribus elegantiorum literarum partibus præstat, non contemnendus est, & ab aliis jam ante idoneis argumentis demonstratus (1).

- (1) Vid. RHODII *Antiquit. Remarqu.* pag. 367. & 368. Ubi Antiquitatum, in tumulis inventarum ope Holfatiæ suæ præcis temporibus artificum quorumcunque copiam non defuisse evincit.

TH. LXXIII.

Sin eo fine suscipiatur, ut urnæ aliquæ eruantur, quæ superstitioni male feriatorum hominum inserviant (1), ingens quidem est rei in se bonæ abusus. Propter quem tamen usus neutiquam tolli potest.

- (1) Superstitiones, quæ urnarum sepulcralium ope exerceantur, persequitur JOH. SINAPIUS in *Oelsnographia* P. 2. Sect. 3. pag. 657. & M. REUSCH c. I. pag. 98. Conf. pag. 95. ubi ridiculas vulgi de origine urnarum opiniones persequitur.

TH. XXIV.

Ceterum inventis urnis sepulcralibus haud raro (1) illustrata sunt loca, quæ absque iis si fuisset, haud dubie semper in obscuro mansissent. Inter quæ pagum *Weitenhagen*, dimidio milliari ab hac urbe (*Gryphiswaldia*) distantem, merito connumeramus.

- (1) Exempla collegit FABRICIUS in *Præfat. ad Rhodii Antiquit.*

Antiquit. Remarques pag. 2. KEYSLERUS in *Antiquit. Septentr.* pag. 110. seqq. JJ. J. Rhodius in *erldant. Preuss.* T. III. pag. 404.

TH. XXV.

Haud procul a pago dicto magnus urnarum numerus anno MDCCXXVII. erutus est; quarum aliquot, meis sumtibus effossas, lignoque incisas, oculis lectorum heic subjicio (1).

- (1) Reliquas, quæ sumtibus hujus Academiæ erutæ fuerunt, Celeb. D. Professor. ANDREAS WESTPHAL, Collega meus honoratissimus, peculiari Diss. Academica sese descripturum & illustraturum promisit.

TH. LVXXI.

Numerus earum, quas æstate anni dicti prope pagum memoratum effossas fuisse constat, supra (1) CL. assurgit; non connumeratis iis, quæ, dum eruerentur, contractæ sunt.

- (1) Causa, cur numerus accurate satis determinari nequeat, ex Th. proxime sequenti patebit.

TH. LXXVII.

Optandum fuisset, ut Domini fundi majore diligentia curare voluissent, ut & numerus certius sciri, & nobis constare posset, nullum insigne antiquitatis monumentum, urnis a quibuslibet promiscue effossis, deperditum, vel ad possessorem imperitum pervenisse (1).

- (1) Quomodo post detectum locum harum urnarum sese gesserint Domini fundi in hoc puncto, in Tr. sup. cit. MSC. pluribus exposui.

D 2

TH. LXXXVIII.

TH. LXXVIII.

Locus, quo inventæ sunt urnæ prædictæ. ab pago Weitenhagen, ut vulgus loqui amat, auff dem Canonen = Schuß, abest. Campo circumjecto parum vel nihil (1) editior, respectu pagi versus regionem australem & occidentalem situs, & totus arenosus est.

- (1) Et alibi in loco arenoso prope viam in planitie inventas esse urnas sepulcrales, docet Masselensium exemplum, referente Dn. D. OEHMBIO in *Silicographia renovata Henelii* pag. 376.

TH. LXXIX.

Urnas nostras alias vix dimidiam, alias totam, alias denique, sed paucas, duas tresve urnas (1) arenæ immerfas invenimus. Nonnullæ aliis superimpositæ, aliæ vero juxta alias collocatæ fuerunt, tam exiguo intervallo, ut effodienda una, quin proxima rumperetur, caveri non potuerit.

- (1) Masselensium aliquas in ipsa superficie terræ inventas refert SINAPL sup. cit. loc. pag. 665. idemque de Wiltfchenfibus ex relatione Dn. D. OEHMBII c. I. pag. 377. constat.

TH. LXXX.

Nonnullæ urnarum Weitenhagensium lapidibus (1) majoribus minoribusve undiquaque probe septæ; aliæ absque ullo munimento in arena collocatæ fuerunt. Nonnunquam cineres & ossa sine urna invenimus: quæ fortasse vel temporis diuturnitate, vel suomet vitio absorta fuerat.

- (1) REUSCHIUS im erläutert. Preussen, T. IV. pag. 83. tumulum

tumulum lapidibus probe munitum viri magnæ dignationis, iis autem destitutos, vulgares exuvias continere verisimiliter putat.

TH. LXXXI.

Opercula iusta urnarum nostrarum, quod tamen alibi (1) factum, nulla inventa sunt. Aliquarum tamen ora lapidibus satis magnis tecta erant, aliqua absque ullo tegumento relicta.

- (1) Quod de Polonia, Silesia, Misnia, aliisque locis refert A MELLE de urnis Sarmaticis pag. 7. De sepulchrorum dignitate ex operculis urnarum conjecturam capi posse, existimat REUSCHIUS l. c. pag. 124.

TH. LXXXII.

Figuræ earum, cum ex tabellis adjectis perspicui possit, describendæ non immorabor. Aliquot earum ansas habent, sed admodum parvas: pleræque vero nullas prorsus. Nonnullæ, sed & illæ rariores, linearum ductibus punctulisque exornatæ sunt. Omnes autem fundum habent planum, ita ut sine fulcimento stare possint (1).

- (1) Quales & Lusaticæ fuerunt, ab Cl. HECHTIO in *Miscellaneis Lips.* Tom. VII. pag. 158. exhibitæ.

TH. LXXXIII.

Magnitudine multum differre nostras, itidem tabellæ prædictæ docent. Una, me præsentè eruta, tres in circuitu ulnas & altitudine tres quartas ulnæ partes continebat (1); sed per vicinas alias minores, quibus cincta erat, & quod fundus jam vitium fecerat,

rat, integra fervari non potuit. Aliæ perparvæ sunt, quibus ideo cineres tantummodo infantum asservatos conjicio: ut ex ossium exigua mole quoque colligi potest. Aliæ contra ejus sunt magnitudinis, ut ei, de qua modo dixi, parum cedant.

- (1) Hæc magnitudinis ergo, ut verbis utar TENZELII in *Dialogis Menstruis* de Anno 1698. pag. 654. Eine Groß-Mutter derer urnen dici jure meritoque potest. Urnarum autem magnitudine insignium exempla plura occurrunt ap. M. JUST. CHRISTOPH. THOR-SCHMIDT in *Antiqu. Ploens.* pag. 69. & 110. in dem erläuterten Preussen Tom. III. pag. 543. 552. 561. & 574. ap. RHODIUM in *Antiquit. Remarqu.* pag. 391. & 439. Dn. SINAPI in *Oelfuographia* P. 2. Sect. 3. pag. 662. & al. pl.

TH. LXXXIV.

Materia urnarum Weitenhagensium plerarum-que terra vulgaris argillacea est. Paucae ex nescio qua rutilanti mixtura constant. Colore pleraque omnes subrubro sunt, aliæ nigricanti. Aliæ scabræ, læves aliæ (1).

- (1) Quod Dn. D. OEHMBIUS sup. cit. loc. pag. 376. de urnis Wiltshensibus: Einige haben gerade auf eine Weite, und diese sind insgemein ganz rauh; Andere haben unten einen Bauch, aus welchen ein etwan engerer Hals in die Höhe steigt, und diese sind glatt, de nostris itidem ut plurimum dici potest.

Th. LXXXV.

Aureas, argenteas, ChrySTALLINAS vitreasque nobis invidit fortuna (1); haud dubie, quod auro argen-

argentoque rectius uti sciverunt (1) Pomerani vel
priscis temporibus pretiosorum metallorum exiguam
admodum habuere copiam.

- (1) De urnis aureis. argenteis, ChrySTALLINIS vitreisque
vid. RHODII *Antiquit. Remarques* passim, HECHTIUS
l. c. pag. 224. seqq. WORMIUS in *Monum.* pag. 43.
aliique. Huc pertinet magni Jcti Papiniani urna
argentea, quam apud REYHERUM in *Hist. Jur.*
pag. 85. delineatam videsis.

- (2) Hanc rationem urnarum fictilium ab Germanis usita-
tarum de universa Germania affert HECHTIUS in
Busto Lusaticæ pag. 128. Conf. REUSCHIUS in *Er-
läut. Preuss. T. IV.* p. 104.

TH. LXXXVI.

Urnæ omnes, quas ego eruendas curavi, cineri-
bus, ossibus & arena repletæ fuerunt. Unde concludo,
Pomeranis in more positum non fuisse, urnas cibo
potuque refertas, aut armis condendis destinatas,
reliquis adponere, quod alibi (1) factitatum: nec di-
stincta ossuaria & cineraria habuisse (2)

- (1) Vid. SINAPII *Oeismographia* P. 2. pag. 669. RHODII
Antiquit. Remarqu. pag. & VERELIUS in *Not. ad Hist.*
Goiber. & Rolf. pag. 82.

- (2) Conf. REUSCH. l. c. pag. 94.

TH. LXXXVII.

Nec urnas lacrimales inveni, quæ tamen & ipsæ
in aliis locis nonnunquam inventæ (1), & nec Slavis
prorsus incognitæ fuerunt.

- (1) Vid. *Erläuterter Preussen* Tom. III. pag. 543. 558.
& 581. HECHTII *Bustum Lusaticæ in Miscellaneis Lips.*
Tom. 7. pag. 247. seqq. & al. pl.

TH. LXXXVIII

TH. LXXXVIII.

Loculamentis (1) plane destituuntur urnæ nostræ, unica tantum concavitate constantes. Nec ulla dedita opera alteri inserta est. Casu tamen potuit accidere, ut superior, mole gravata, in cavitatem alterius detruderetur.

- (1) De quibus vid. OLEARIUS, & ex eo HENELIUS in *Siletopographia* pag. 380. Conf. HECHTIUS c. 1. pag. 242. BEYERUS in *Thesauro* Tom. III. pag. 471. & KIRCHMANNUS de *sum. Roman.* Lib. III. Cap. 14.

TH. LXXXIX.

Præter cineres arenamque, ossibus superimposita (1) pleraque, inveni duos gladios magnitudinis, præsertim si latitudinem spectes, insignis, multis plicaturis complicatos, frameas totidem, fragmentum cassidis ferreæ, tres fibulas & alia viliora ferramenta. Quibus addi potest Ahenum cupreum, ossibus, cineribus & arena, eodem modo quo urnæ, repletum (2)

- (1) Juxta, infraque urnas itemque supra easdem, nihil inveni simile: quod alibi factum docet Erläuterungen Preussen Tom. III. pag. 410. & 543. RHOD. l. sæp. c. pag. 3. & 7.
(2) Quid invenerit Cel. Dnus Profess. WESTPHAL, ipse suo tempore orbem eruditum docebit.

TH. XC.

Urna maxima, Thes. 83. memorata, & ahenum cupreum modo dictum, tanta ad summum usque referta erant ossium vi, magnitudinis diversæ, ut inde

de hand absurde mihi videar colligere posse, in eorum singulis non viri tantum in dignitate constituti, sed uxoris etiam, liberorum, amicorum fervorumve, ad minimum autem plurium, quam unius hominis, ossa (1) fuisse recondita.

- (1) Cel. & MELLER in Tr. de urnis Sarmaticis meam conjecturam simili sua confirmat. Cum quo tamen non facio, dum diversis temporibus plurium hominum ossa in unam urnam congesta putat. mihi enim simul factum videtur per th. sup. 16. 17. & 18.

TH. XCI.

Ossa nonnulla, antequam urnæ inderentur, maleo vel lapide contusa fuisse, manifesta ictuum docent (1) vestigia. Quod haud dubie propter exiguum urnæ, præprimis oris, capacitatem, magna ossa non admittentem, factum.

- (1) Quæ in osse magno in urna non multum capaci, etiamnum spectari possunt.

TH. XCII.

Quoniam ossa nullæ magnitudinis solito majoris deprehendi, nullos hic locorum eo tempore habuisse gigantes, infero.

TH. XCIII.

Filamenta, quæ in nonnullis urnis reperi, capillos mentiuntur quidem. Sed pro talibus haberi nequeunt; cum capillos urnis (1) indere nullo tempore in Pomerania usu receptum fuerit.

- (1) Conf. hac de re HECHTIUS in *Buss. Lusat.* pag. 253. & *erläutertes Preussen* Tom. III. pag. 419. seqq.

E

TH. XCIV.

TH. XCIV.

In una urnarum dictarum supra cineres duos inveni lapides sat magnos, quibus demum ossa superimposita erant. Qui qua de causa urna reconditi fuerint, sagacioribus dijudicandum relinquo. Mihi tale quid antea nunquam occurrit.

TH. XCV.

Lapides victoriales fuisse, de quibus supra injecta est mentio, affirmare non audeo. Nec eorum in bello aliquem usum fuisse puto. Sunt enim majores, quam ut eos quis funda ejaculari commode possit.

TH. XCVI.

Hoc tamen de alio minori facile admiserim, quem in alia urna, una cum gladio & framea deprehendi (1).

(1) Lapides rotundos, silices & arma lapidea in urnis subinde inveniri, satis notum est. Vid. SCHMINCKII Diss. de urnis sepulchralibus & armis lapideis veterum Cættorum.

TH. XCVII.

Gladii ideo complicati sunt, ut in urna locum invenire possent (1).

(1) Aliam rationem affert Cel. Dn. Prof. J. J. RHODIUS im erläuterten Preussen Tom. 3. pag. 416.

TH. XCVIII.

Magnitudo eorum satis comprobat, eos ambabus manibus debuisse vibrari, & cædendo aptiores fuisse, quam pungendo. Unde eos quoque ad vera arma referendos puto.

TH. XCIX.

TH. XCLIX

Framearum Thefi LXXXIX. commemoratarum una spithamam unam, altera duplo longior est: & hæc quidem insuper unco instructa, quo, in hostem projecta retrahi posset (1).

(1) Delineationem harum & ceterarum rerum, quarum in th. 89. mentionem feci, in opere sup. dicto dabo.

TH. C.

Fibulæ, quas inveni, iis non absimiles sunt, quas in Holsatia (1) detexit RHODIUS, Mearum una cuprea, reliquæ ferreæ sunt.

(1) Vid. ejus *Antiquit. Remarqu.* pag. 341.

TH. CI.

Annon hinc colligi possit, cadavera heic locorum non nuda, sed vestita olim cremata fuisse peritorum judicio permitto.

TH. CII.

In loco, ubi inventæ sunt urnæ nostræ, olim habitum fuisse prælium, in Annalibus Pomeraniæ adhuc non inveni. Videtur itaque dicendum, fuisse heic commune sepulcretum vicini tractus, cum ipsa urnarum copia obstet, quo minus illud uni familiæ proprium fuisse statuamus.

TH. CIII.

Unde hos mortuos cremandi ritus acceperint Pomerani, ex superioribus haud difficulter colligi potest: Ex septentrione nimirum, quo cum commercia habuerunt olim satis frequentia.

E 2

TH. CIV.

TH. CIV.

Quando in Pomerania coeperit & desierit in usu esse cadaverum crematio, rerum Pomeranicarum gnaris inquirendum relinquo. WACKENRODIUS

(1) Præpositus Leuticiensis, paulo ante Christum natum cremandi ritum in hisce oris coepisse refert.

(1) In *Chron. Rugianæ* M^ſC. P. I. Lib. I. Cap. 8. & 10. nec non P. 2. Lib. I. Cap. 1.

TH. CV.

Reliqua, quæ de hac materia dici possent, in opere supra dicto plenius exponam. Nunc heic vela contraho, & errata, si qua forte admisi, iis corrigenda relinquo, quibus plus superest otii atque ingenii ad dispellendas, quæ nobis officiant, antiquitatis tenebras.

